



Нислэгийн хөдөлгөөний удирдагчийн зэрэглэл (Air Traffic Controller ratings)

Нислэгийн радио-холбооны операторын зэрэглэл (Flight Radiotelephone Operator Rating)	Нислэгийн хөдөлгөөний удирдагчийн дараах зэрэглэл (Air Traffic Controller Ratings)	Нислэгийн мэдээллийн ажилтны дараах зэрэглэл (Flight Service Operator Ratings)
<p>65.251. Хамрах хүрээ Энэ Бүлэг нь дараах зохицуулалтын шаардлагыг тогтооно:</p> <p>(1) НХУ-ний ажилтанд нислэгийн радио-холбооны операторын зэрэглэл олгох;</p> <p>(2) тухайн зэрэглэлийн эрх, хязгаарлалт.</p>	<p>65.301. Хамрах хүрээ Энэ Бүлэг нь дараах зохицуулалтын шаардлагыг тогтооно:</p> <p>(1) дараах нислэгийн хөдөлгөөний удирдагчийн зэрэглэл болон түүний зөвшөөрөл олгох:</p> <p>(i) аэродромын удирдлагын зэрэглэл;</p> <p>(ii) ойртолтын процедур-удирдлагын зэрэглэл;</p> <p>(iii) ойртолтын ажиглалтын-удирдлагын зэрэглэл;</p> <p>(iv) бүсийн процедур-удирдлагын зэрэглэл;</p> <p>(v) бүсийн ажиглалтын-удирдлагын зэрэглэл;</p> <p>(2) тухайн зэрэглэлийн эрх, хязгаарлалтыг тогтоох;</p> <p>(3) тухайн этгээдийн нислэгийн хөдөлгөөний удирдагчийн зэрэглэл нь дараах зэрэглэлд хамаарч байгаа бол:</p> <p>(i) ойртолтын удирдлагын зэрэглэлийг ойртолтын процедур-удирдлагын зэрэглэлд;</p> <p>(ii) ойртолтын радарын удирдлагын зэрэглэлийг ойртолтын ажиглалтын-удирдлагын зэрэглэлд;</p> <p>(iii) бүсийн удирдлагын зэрэглэлийг бүсийн процедур-удирдлагын зэрэглэлд;</p> <p>(iv) бүсийн радарын удирдлагын зэрэглэлийг бүсийн ажиглалтын-удирдлагын зэрэглэлд тооцох.</p>	<p>65.351. Хамрах хүрээ Энэ Бүлэг нь дараах зохицуулалтын шаардлагыг тогтооно:</p> <p>(1) НМА-ны дараах зэрэглэл олгох;</p> <p>(i) аэродромын нислэгийн мэдээллийн зэрэглэл;</p> <p>(ii) бүсийн нислэгийн мэдээллийн зэрэглэл;</p> <p>(2) тухайн зэрэглэлийн эрх, хязгаарлалт.</p>
<p>65.253. Нөхцөл хангах шаардлага (а) Энэ Дүрмийн дагуу нислэгийн радио-холбооны операторын зэрэглэл эзэмших этгээд нь дараах шаардлагыг хангасан байна:</p> <p>(1) дараах байгууллагын зохион байгуулсан, бичгийн шалгалтыг багтаасан нисэхийн радио-холбооны дадлага болон журмын сургалтын курсийг амжилттай дүүргэсэн байх:</p> <p>(i) ИНД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулж, шалгалт авахыг зөвшөөрдөг бол; эсхүл</p> <p>(ii) ИНД-141-ийн дагуу олгосон нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулж, шалгалт авахыг зөвшөөрдөг бол;</p> <p>(2) НХУ-ний багшийн зэрэглэл, эсхүл багш-нисгэгчийн зэрэглэл эзэмшигчид дараах чадвараа шалгуулсан байх:</p> <p>(i) нисэхийн радио-холбооны төхөөрөмжийн удирдлагыг зөв ажиллуулах болон тохируулах;</p> <p>(ii) хүчинтэй мөрдөгдөж байгаа журмын дагуу яриан мэдээг чадварлагаар хүлээн авч, дамжуулах.</p>	<p>65.303. Нөхцөл хангах шаардлага (а) Нислэгийн хөдөлгөөний удирдагчийн зэрэглэл болон тухайн зэрэглэлд эхний зөвшөөрөл авах этгээд нь дараах шаардлагыг хангасан байх үүрэгтэй:</p> <p>(1) нислэгийн хөдөлгөөний удирдагчийн үнэмлэх эзэмшдэг байх;</p> <p>(2) тухайн зэрэглэл болон зөвшөөрөлтэй холбоотой дараах сэдвээр сургалтын курсийг амжилттай дүүргэсэн байх:</p> <p>(i) <i>аэродромын удирдлагын зэрэглэл</i>: аэродромын байрлалын зураг; бодит үзүүлэлт болон ил харааны туслах хэрэгсэл, тэмдэглэгээ, агаарын зайн бүтэц зохион байгуулалт; холбогдох хууль, дүрэм, ажлын горим, мэдээллийн эх сурвалж; агаарын навигацийн байгууламж; НХУ-ын төхөөрөмж болон түүний ашиглалт; газрын бартаа болон газар зүйн онцлог газар; нислэгийн хөдөлгөөний шинж чанар/үзүүлэлт; цаг агаарын аюултай үзэгдэл; онцгой нөхцөл болон эрэн хайх, авран туслах төлөвлөгөө;</p> <p>(ii) <i>ойртолтын болон бүсийн процедур-удирдлагын зэрэглэл</i>: агаарын зайн бүтэц зохион байгуулалт; холбогдох хууль, дүрэм, ажлын горим, мэдээллийн эх сурвалж; агаарын навигацийн байгууламж; НХУ-ын төхөөрөмж болон түүний ашиглалт; газрын бартаа болон газар зүйн онцлог газар; нислэгийн хөдөлгөөний шинж чанар/үзүүлэлт болон хөдөлгөөний урсгал; цаг агаарын аюултай үзэгдэл; онцгой нөхцөл болон эрэн хайх, авран туслах төлөвлөгөө;</p> <p>(iii) <i>ойртолтын ажиглалтын болон бүсийн ажиглалтын-удирдлагын зэрэглэл</i>: тухайн хариуцлагын бүсэд хэрхэн нөлөөлөх хэмжээгээр нь энэ хэсгийн (2)(ii) дээр нэмж радар, бусад ажиглалтын систем болон холбогдох төхөөрөмжийн зарчим, хэрэглээ болон хязгаарлалт; хангалттай газрын бартааг давах зайтай болохыг бататгах журмыг багтаасан, ойртолтын, эсхүл бүсийн радарын удирдлагын үйлчилгээнд ашиглах, холбогдох журам;</p> <p>(3) НХУ-ний Багшийн зохих зэрэглэл эзэмшигчийн шууд хяналтан дор, дараах туршлагыг эзэмшсэн байх:</p> <p>(i) <i>аэродромын удирдлагын зэрэглэл</i>: тухайн зэрэглэл авахаар зорьж байгаа аэродромд 90-ээс доошгүй цаг, эсхүл 1 сарын аль их хугацаанд аэродромын удирдлагын үйлчилгээ гүйцэтгэсэн;</p> <p>(ii) <i>ойртолтын процедур-удирдлагын, ойртолтын ажиглалтын- удирдлагын, бүсийн процедур-удирдлагын, бүсийн ажиглалтын-удирдлагын зэрэглэл</i>: зэрэглэл авахаар зорьж байгаа удирдлагын үйлчилгээг 180-аас доошгүй цаг, эсхүл 3 сарын аль их хугацаанд тухайн зэрэглэл авахаар зорьж байгаа нэгж дээр гүйцэтгэсэн;</p> <p>(4) энэ хэсгийн (2)-т заасан сэдвээр дараах байгууллагын зохион байгуулсан, тухайн зэрэглэлийн эрхтэй холбоотой шалгалтыг амжилттай өгсөн байх:</p> <p>(i) ИНД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн шалгалт авахыг зөвшөөрдөг бол; эсхүл</p> <p>(ii) ИНД-141-ийн дагуу олгосон нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн шалгалт авахыг зөвшөөрдөг бол;</p> <p>(5) зэрэглэл авахаар зорьж байгаа нэгж дээр удирдлагын үйлчилгээг аюулгүй, эрэмбэ дараатай, шуурхай үзүүлэхэд шаардлагатай ур чадвар, нөхцөл байдлыг зөв тодорхойлох болон гүйцэтгэх чадвараа НХУ-ний багшийн зэрэглэл эзэмшигчид шалгуулсан байх.</p> <p>(б) Энэ зүйлийн (а)(2)-т амжилттай дүүргэсэн байхыг шаардсан сургалтыг дараах байгууллага зохион байгуулах ёстой:</p> <p>(1) энэ зүйлийн (а)(4)(i)-д заасан НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулах эрх олгодог бол; эсхүл</p> <p>(2) энэ зүйлийн (а)(4)(ii)-т заасан Нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулах эрх олгодог бол.</p> <p>(с) Эзэмшиж байгаа нислэгийн хөдөлгөөний удирдагчийн зэрэглэлдээ нэмэлт байрлалд зөвшөөрөл авах этгээд нь дараах шаардлагыг хангасан байх үүрэгтэй:</p> <p>(1) энэ зүйлийн (а)(2)-т шаардсан нэмэлт байрлалын сургалтыг амжилттай дүүргэсэн байх;</p> <p>(2) энэ зүйлийн (а)(5)-д шаардсан нэмэлт байрлалд ажиллахад тавих шаардлагыг хангасан байх.</p>	<p>65.353. Нөхцөл хангах шаардлага НМА-ны зэрэглэл болон тухайн зэрэглэлийн эхний зөвшөөрөл, эсхүл нэмэлт зөвшөөрөл авах этгээд нь дараах шаардлагыг хангасан байна:</p> <p>(1) хүчинтэй НМА-ны үнэмлэх эзэмшдэг байх;</p> <p>(2) дараах байгууллагын зохион байгуулсан, тухайн зэрэглэлтэй холбоотой сургалтын курсийг амжилттай дүүргэсэн байх:</p> <p>(i) ИНД-172-ын дагуу олгосон НХУ-ний байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулахыг зөвшөөрдөг бол; эсхүл</p> <p>(ii) ИНД-141-ийн дагуу олгосон нисэхийн сургалтын байгууллагын гэрчилгээ эзэмшигч, хэрэв гэрчилгээ нь эзэмшигчид тухайн сургалтыг зохион байгуулахыг зөвшөөрдөг бол;</p> <p>(3) НХУ-ний багшийн зэрэглэл эзэмшигчид, зэрэглэл авахаар зорьж байгаа нэгж дээр нислэгийн мэдээллийн үйлчилгээ үзүүлэхэд шаардлагатай ур чадвар, нөхцөл байдлыг зөв тодорхойлох болон гүйцэтгэх чадвараа шалгуулсан байх.</p>

<p>65.255. Зэрэглэл олгох</p> <p>(a) НХҮ-ний багшийн зэрэглэл, эсхүл багш-нисгэгчийн зэрэглэл эзэмшигч нь, 65.253-т заасан нислэгийн радио-холбооны операторын зэрэглэлд тавих шаардлага хангагдсан гэж үзвэл, тухайн этгээдийн бүртгэлийн дэвтэрт өөрийн нэр, үнэмлэх, зэрэглэлийн дугаар, гарын үсэг; нислэгийн радио-холбооны операторын зэрэглэл олгосон огноо болон дараах мэдэгдлийг оруулж, зэрэглэл олгоно:</p> <p><i>[тухайн этгээдийн нэр] нь ИНД-65-д заасан нислэгийн радио-холбооны операторын зэрэглэл олгоход тавих шаардлагыг хангасан болохыг тодорхойлов.</i></p> <p>(b) НХҮ-ний ажилтны үнэмлэх эзэмшигч нь Даргад хүсэлт гаргаж, зохих төлбөрийн баримтыг хүргүүлж, радио-холбооны операторын зэрэглэлийг үнэмлэхэндээ нэмж тэмдэглүүлж болно.</p>	<p>65.305. Зэрэглэл олгох</p> <p>(a) НХҮ-ний багшийн зэрэглэл эзэмшигч нь, нислэгийн хөдөлгөөний удирдагчийн зэрэглэлд тавих 65.303(а)-ийн шаардлага хангагдсан гэж үзвэл нислэгийн хөдөлгөөний удирдагчийн бүртгэлийн дэвтэрт, олгосон нислэгийн хөдөлгөөний удирдагчийн зэрэглэлийг бичиж, тухайн зэрэглэлийг ашиглах нөхцөл, зөвшөөрсөн байрлалын нэр; өөрийн нэр, үнэмлэх зэрэглэлийн дугаар, гарын үсэг, тухайн нислэгийн хөдөлгөөний удирдагчийн зэрэглэл олгосон огноо болон дараах мэдэгдлийг оруулна:</p> <p><i>[нислэгийн хөдөлгөөний удирдагчийн нэр] нь дор заасан ИНД-65-ын нислэгийн хөдөлгөөний удирдагчийн зэрэглэл олгох шаардлагыг хангасан болохыг тодорхойлов.</i></p> <p>(b) НХҮ-ний багшийн зэрэглэл эзэмшигч нь нислэгийн хөдөлгөөний удирдагчийн зэрэглэлийн нэмэлт зөвшөөрөлд тавих 65.303(с)-гийн шаардлага хангагдсан гэж үзвэл нислэгийн хөдөлгөөний удирдагчийн бүртгэлийн дэвтэрт, олгосон зэрэглэлийг зөвшөөрсөн байрлалын нэр, өөрийн нэр, үнэмлэх зэрэглэлийн дугаар, гарын үсэг болон нэмэлт зөвшөөрөл олгосон огноог энэ зүйлийн (а)-д шаардсан мэдэгдлийн дагуу оруулж, тухайн зэрэглэлд зөвшөөрөл олгоно.</p> <p>(c) Нислэгийн хөдөлгөөний удирдагчийн үнэмлэх эзэмшигч нь Даргад хүсэлт гаргаж, зохих төлбөрийн баримтыг хүргүүлж, олгосон зэрэглэлийг баталгаажуулсан тэмдэглэлийг үнэмлэхэндээ нэмж хийлгэж болно.</p>	<p>65.355. Зэрэглэл олгох</p> <p>(a) НХҮ-ний багшийн зэрэглэл эзэмшигч нь НМА-ны зэрэглэлд тавих 65.353-ын шаардлага хангагдсан гэж үзвэл НМА-ны зэрэглэл олгож, бүртгэлийн дэвтэрт нь тухайн зэрэглэлийг хэрэгжүүлэхтэй холбоотой нөхцөл, зөвшөөрсөн байрлалын нэр; багшийн нэр, үнэмлэх зэрэглэлийн дугаар, гарын үсэг, зэрэглэл олгосон огноо болон дараах мэдэгдлийг оруулна:</p> <p><i>[нислэгийн мэдээллийн ажилтны нэр] нь Иргэний нисэхийн дүрэм 65-д заасан нислэгийн мэдээллийн ажилтны дор дурдсан зэрэглэлийн шаардлагыг хангасан болохыг тодорхойлов.</i></p> <p>(b) НХҮ-ний багшийн зэрэглэл эзэмшигч нь НМА-ны зэрэглэлийн нэмэлт зөвшөөрөлд тавих 65.353-ын шаардлага хангагдсан гэж үзвэл НМА-ны бүртгэлийн дэвтэрт зэрэглэлийг зөвшөөрсөн байрлалын нэр; багшийн нэр, үнэмлэх зэрэглэлийн дугаар, гарын үсэг болон зэрэглэл олгосон огноог зэрэглэл баталгаажуулах мэдэгдлийн дагуу оруулж, тухайн зэрэглэлд зөвшөөрөл олгоно.</p> <p>(c) НМА-ны үнэмлэх эзэмшигч нь Даргад хүсэлт гаргаж, зохих төлбөрийн баримтыг хүргүүлж, зөвшөөрөгдсөн зэрэглэлээ баталгаажуулсан тэмдэглэлийг үнэмлэхэндээ нэмж хийлгэж болно.</p>
<p>65.257. Эрх, хязгаарлалт</p> <p>Нислэгийн радио-холбооны операторын зэрэглэл нь тухайн этгээдэд нисэхийн хөдөлгөөнт холбооны үйлчилгээнд зориулсан давтамж дээр ажилладаг агаарын хөлөг, нисэхийн радио станц, эсхүл газрын хөдөлгөөнт станцыг ажиллуулах эрх олгоно, хэрэв дамжуулагч нь:</p> <ol style="list-style-type: none"> (1) зөвхөн энгийн гадна удирдлага ашиглахыг шаарддаг бол; (2) цацагдаж байгаа давтамжийн тогтвортой байдлыг автоматаар хадгалдаг бол. 	<p>65.307. Эрх, хязгаарлалт</p> <p>(a) Энэ зүйлийн (b)-г харгалзан, нислэгийн хөдөлгөөний удирдагчийн зэрэглэл нь түүнийг эзэмшигчид дараах эрхийг хэрэгжүүлэх эрх олгоно:</p> <ol style="list-style-type: none"> (1) <i>аэродромын удирдлагын зэрэглэл</i>: тухайн зэрэглэлд зөвшөөрсөн аэродромд, эсхүл аэродромуудад аэродромын удирдлагын үйлчилгээ үзүүлэх; (2) <i>ойртолтын процедур-удирдлагын зэрэглэл</i>: тухайн зэрэглэлд зөвшөөрсөн аэродромд, эсхүл аэродромуудад ойртолтын удирдлагын үйлчилгээ үзүүлэх; (3) <i>ойртолтын ажиглалтын-удирдлагын зэрэглэл</i>: хамааралтай НХҮ-ний ажиглалтын системийг ашиглан, тухайн зэрэглэлд зөвшөөрсөн аэродромд, эсхүл аэродромуудад ойртолтын удирдлагын үйлчилгээ үзүүлэх; (4) <i>бүсийн процедур-удирдлагын зэрэглэл</i>: тухайн зэрэглэлд зөвшөөрсөн хяналттай бүс, эсхүл бүсүүдэд бүсийн удирдлагын үйлчилгээ үзүүлэх; (5) <i>бүсийн ажиглалтын-удирдлагын зэрэглэл</i>: хамааралтай ажиглалтын системийг ашиглан, тухайн зэрэглэлд зөвшөөрсөн хяналттай бүс, эсхүл бүсүүдэд бүсийн удирдлагын үйлчилгээ үзүүлэх. <p>(b) Эзэмшигч нь зэрэглэлийн эрхээ хэрэгжүүлж эхлэхийн өмнө, тухайн зэрэглэлтэй холбоотой хүчинтэй бүх мэдээлэлтэй танилцсан байх үүрэгтэй.</p>	<p>65.357. Эрх, хязгаарлалт</p> <p>(a) Энэ зүйлийн (b)-г харгалзан, НМА-ны зэрэглэл нь түүнийг эзэмшигчид дараах эрхийг олгоно:</p> <ol style="list-style-type: none"> (1) <i>аэродромын нислэгийн мэдээллийн зэрэглэл</i>: тухайн зэрэглэл эзэмшигчид зөвшөөрсөн аэродром, эсхүл аэродромуудад аэродромын нислэгийн мэдээллийн үйлчилгээ үзүүлэх; (2) <i>бүсийн нислэгийн мэдээллийн зэрэглэл</i>: тухайн зэрэглэл эзэмшигчид зөвшөөрсөн бүс, эсхүл бүсүүдэд нислэгийн мэдээллийн үйлчилгээ үзүүлэх. <p>(b) Эзэмшигч нь зэрэглэлийн эрхээ хэрэгжүүлэхийн өмнө, тухайн зэрэглэлтэй холбоотой бүх хүчинтэй мэдээлэлтэй танилцсан байна.</p>
	<p>65.309. Туршлага хадгалах шаардлага</p> <p>(a) Энэ Дүрмийн дагуу олгосон нислэгийн хөдөлгөөний удирдагчийн зэрэглэл , эсхүл зөвшөөрлийн эрхийг нэг ээлжийн үйл ажиллагааны үеэр 5-аас доошгүй цаг, өмнө үргэлжилсэн 28 өдрийн дотор шууд хяналтан дор хэрэгжүүлээгүй бол эзэмшигч нь тухайн зэрэглэл, эсхүл зөвшөөрлийн эрхийг дахин хэрэгжүүлэхийн өмнө, бие даан үүрэг гүйцэтгэх чадвараа НХҮ-ний багшид шалгуулсан байна.</p> <p>(b) Энэ Дүрмийн дагуу олгосон нислэгийн хөдөлгөөний удирдагчийн зэрэглэл , эсхүл зөвшөөрлийн эрхийг өмнө үргэлжилсэн 6 сарын хугацаанд хэрэгжүүлээгүй бол эзэмшигч нь тухайн зэрэглэл, эсхүл зөвшөөрлийн эрхийг дахин хэрэгжүүлэхийн өмнө 65.303-ын (a)(4) болон (5)-ын шаардлагыг хангасан байна.</p>	<p>65.359. Туршлага хадгалах шаардлага</p> <p>(a) Энэ Дүрмийн дагуу олгосон НМА-ны зэрэглэл, эсхүл зөвшөөрлийн эрхийг нэг ээлжийн үйл ажиллагааны үеэр 5-аас доошгүй цаг, өмнө үргэлжилсэн 28 өдрийн дотор шууд хяналтан дор хэрэгжүүлээгүй бол эзэмшигч нь тухайн зэрэглэл, эсхүл зөвшөөрлийн эрхийг дахин хэрэгжүүлэхийн өмнө, бие даан үүрэг гүйцэтгэх чадвараа НХҮ-ний багшид шалгуулсан байна.</p> <p>(b) Энэ Дүрмийн дагуу олгосон НМА-ны зэрэглэл, эсхүл зөвшөөрлийн эрхийг өмнө үргэлжилсэн 6 сарын хугацаанд хэрэгжүүлээгүй бол эзэмшигч нь тухайн зэрэглэл, эсхүл зөвшөөрлийн эрхийг дахин хэрэгжүүлэхийн өмнө 65.353-ын (3)-ын шаардлагыг хангасан байна.</p>